



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. IIII. Capitel.

urn:nbn:de:hbz:466:1-34848

Die erst Epistel.

ster/eyn ander bauwet drauff/ Eyn yeglicher aber sehe zu / wie er drauff bau
we. Eyn anderen grundt kan zwar nyemant legen / auffer dem / der gelegtt
ist / welcher ist Jesus Christus . So aber yemant auff disen grundt bau
wet* golt / silber / edelsteine / holz / heuw / stoppeln / so wirt eyns yeglichen
werck offenbar werden / der tag des Herren wirts klar machen / welcher
wirt mit feur eroffnet werden / vnnnd welcherley eyns yeglichen werck sey /
wirt das feur bewerren . Wirt yemandts werck bleyben / das er drauff ge
bauwet hatt / so wirt er den lon empfaben / wirt aber yemants werck ver
brennen / so wirt er schaden leyden / er selb aber wirt selig werden / so doch /
als durchs feur .

* C (golt / silber) Das ist von predigen vnd leren gesagt / die zu des glaubens besserung oder geringe
rung geleret werden. Nun bester kein lere im sterben / iungsten tag / vnd allen ndren / es wirt verzeret /
es sey denn lautter gottes wort / das befunder sich alles im gewissen wol

Wissent jr nicht / das jr gottes tempel seynd / vnd das der geyst gottes in
euch wonet. So yemant den tempel gottes schendet / den wirt gott schen
den / Denn der tempel gottes ist heylig / der synd jr. Nyemant betriege sich
selbs. Welcher sich vnder euch dunckt wyse seyn / der werde eyn narz vff di
ser welt / das er moege wyse seyn. Denn diser welt wyseheit ist ein totheit by
gott / denn es ist geschriben / Die weysen erhaschet er in jren dicken / Vnnnd
abermal / Der Herre weyst der wysen gedanken / das sy eytel seynd . Da
rumb rume sich niemant eyns menschen . Es ist alles eiuwer / es sey Pau
lus oder Apollo / es sey Kephaz oder die welt / es sey das lebē oder der tod
es sey das gegenwertige oder das zukunfftige / alles ist eiuwer / jr aber sind
Christi / Christus aber ist Gottes .

* C (alles eiuwer) Darumb hat keyn mensch macht über die Christen gesetzt zu machen / die gewissen zu
binden.

Das. III. Capitel.

Ich fur halte vns yoderman nemlich fur
Christus diener / vnd haushalter über Gottes^a geheymnis.
Nun suctt man nicht mer an den haushaltern / denn das sy
treiw erfunden werden. Mir aber ist eyn geringe / das ich
von euch gerichtete werde / oder von eynem menschlichen tage. Auch richte
ich mich selbs nicht . Ich byn wol^b nichts mit bewußt / aber darin byn ich
nicht gerechtfertiget / der herz ist aber der mich richtet. Darumb richtent
nichts vor der zit / bis der herz köme / welcher auch wirt ans liecht bringen /
was im finstern verborzen ist / vnnnd den radt der herzen offenbaren / als
denn wirt eynem yeglichen von gott lob widerfaren .

a (geheymnis) Das ist / das Eüangelion / darinnen die göttlichen gütter verborzen / vns sitreagen
werden b (nichts bewußt) Nyemant kan sich seiner werck vnnnd güts lebens halben für gerecht
oder etwas richten / noch von menschen preysen sich richten lassen / sonder / es steet alles bloß in Gottes
genaden .

Solchs aber / lieben brüder / hab ich vff mich vnd Apollo gedeütet / vmb
eiuern willē / das jr an vns lernet / dz niemāt höher von jm halte / den icht
geschriben ist / vff das sich nicht eyner wider den andern vmb yemants wil
len auffblase. Denn wer hat dich fürzogen / was hastu aber / das du nicht

empfangen habst: so du es aber empfangen hast/was rümeſtu dich denn/
als der es nit empfangen hette: Ir ſeynd schon ſatt worden/Ir ſeyt schon
rych worden/Ir herſchet on vns vnd wölt gott/ir herſchett/vff das auch
wir mit eüch herſchen möchten.

*(Ir ſeynd
reich) Er
ſpottir/ vnd
meyner das
widerſpil.

Nicht dunckt aber/Gott habe vns Apoſtel für die aller geringſten darge-
bett/ als die dem todt zügeeignet ſynd/Denn wir ſynd eyn ſchauwſpiegel
worden der welt/vnd den engelen vnd den menſchen. Wir ſeynd narren/
ymb Chriſtus willen/ir aber ſeynd klüg in Chriſto/Wir ſchwach/ir aber
ſtarck/Ir herlich wir aber veracht. Biß vff diſe ſtund/ſeynd wir hunge-
rig vnd dürſtig vnd nackt/vnd werden mit füſten geſchlagen vnd haben
keyn gewiſſe ſtette/vnd arbeitten vnd wircken mit vnſeren eygen henden.
Man ſchilt vns/ ſo benedeyen wir/Man verſolget vns/ ſo dulden wirs/
man leſtert vns/ ſo flehen wir. Wir ſynd als eyn kerich der welt/vnd eyns
yedermans ſchab ab worden.

Nicht ſchrybe ich ſolchs/das ich euch beſchäme/ ſonder ich vermane euch
als mein lieben kinder. Den ob ir glych zehen tauſent züchtmeyſter hettent
in Chriſto/ ſo habt ir doch nicht vil vätter/Denn ich habe euch geboren in
Chriſto Jeſu/durchs Euangelion. Darumb ermane ich euch/ ſynd mine
nachfolger. Auf der ſelben vrfach/hab ich zü euch geſandt Timotheon/
welcher iſt min lieber ſon vnd getreuer/in dem Herren/das er euch erin-
nere meiner wege/die da geen in Chriſto/ gleych wie ich an allen enden/in
allen gemeinen lere. Es blehen ſich etlich vff/ als wurde ich nicht zü euch kö-
men. Ich wil aber kommen gar kurzlich zü euch/ ſo der her wil/ vnd erler-
nen/nicht die wort der auffgeblaſenen ſonder die krafft. Den das rych got-
tes ſtreet nicht in Worten/ ſonder in krafft. Was wölt ir? ſolich mit der räte
zü euch kommen/ oder mit liebe vnd ſenfftinütigem geiſt?

Das .V. Capitel

Sgeete ein gemein geſchrey das hüre-
tey vnder euch ſey vñ eyn ſolche hürerey/da auch die heyden
nicht von zü ſagen wiſſen/dz eyner ſines vatters weyb habe/
vnd ir ſynd vffgebloſen vnd habt nicht vil mer leyde tragen/
auff das/ der das werck than hat/ von eüch gethan wurde. Ich zwar als
mit dem lybe nicht da bin/ doch mit dem geiſt gegenwertig/ hab ſchon als
gegenwertig beſchloſſen über den/ der ſolichs alſo gethan hat/ in dem na-
me vnſers herren Jeſu Chriſt/ in eüwer verſammlung mit minem geiſt vnd
mit der krafft vnſers herren Jeſu Chriſt/ in zü übergeben dem teuffel züm
verderben des fleiſchs/vff das der geiſt ſelig werde am tag des hern Jeſu.
Züwer züm iſt nicht ſeyn. Wiſſent ir nicht/ das ein wenig ſaurteyg/den
ganzen teyg verſauret. Darumb ſegent den alten ſaurteyg auf/ auff das
ir eyn neuwer teyg ſeyt/ gleych wie ir vngeseürtt ſeynd. Denn wir haben
auch eyn oſter lamb/das iſt Chriſtus für vns geopffert. Darumb laſt vns

¶ ij

Epistel am passio- & daze